

# Badminton-imi unamminermi maleruagassat

Atuutilersut 1. juli 2021 aallarnerfigalugu, suliaq 1.0

## Nassuiaatit

Unammisoq Inuk kinaluunnit badmintonertoq

Unammineq Badmintonimi unammineq akileriinnit ataatsimik marlunnilluunniit peqataasulik

Single Ataasiakkaarluni qassutinik akunneqarluni unamineq

Double Marlukkaarluni qassutinik akunneqarluni unammineq

Periartussaq Unammisoq periartussaq

Tiguisussaq Unammisoq periarfigineqartussaq

Akioriineq Periaqqaarnermit aallaaveqartumik patittaaneq suloqqap uninnissaata tungaanut ingerlasoq

Patitsineq Unammisup patittaammik anaaseriarnera, suloraq eqqorniarlugu

## *Inatsisit uingasuik allannillit Innarluutillit unannineranni atuutsinneqarput*

### 1. Unammiffik atortuulu

- 1.1. Unammiffik issoqqaarissuusaaq, titartakkami Figur A-mi titartagaq malillugu iluseqaseqarluni, titarneri 40 mm-mik sulissuseqarlutik.
  - 1.1.1. Assakaasulinni issiaannartut unammiffiat titarkagat D imalt. E malillugit iluseqassaaq.
  - 1.1.2. Nikorfaannarluni unammisartut unammiffiup affaaniinnaq unammisartut unammiffiat Figur F malillugu iluseqassaaq.
- 1.2. Titarneri immikkoortikkuminassapput qaqortuullutilluunnit sungaartuussallutik
- 1.3. Titarnerit tamarmik killilersukkaminnut ilaapput.
- 1.4. Qassutit napasui 1,55 m. portussuseqassapput unammiffiup naqqaniit uuttorlugit. Qassutit taseqqatillugit nappaarissapput, soorlu § 1.10-mi allaaserisatut.
- 1.5. Qassutit napasui inissineqassapput iligiiaarluni unammiffiup titarnerini Titartagaq A malillugu, unammisut ataasiakkaaraluarpata iligiiaaraluarpataluunniit. Qassutit napasui najummisuulu unammiffiup titarnerisa iluanut uiuneqassanngillat.
- 1.6. Qassutit sananeqarsimassapput allunaasaq amitsoq taartoq assigiimmik issussusilik atorlugu, nigartai 15 mm-nit mikinerunatik 20 mm-niillu anginerunatik.
- 1.7. Qassutit 760 mm-nik itissuseqassapput, minnerpaamillu 6,1 m. silissuseqassallutik.
- 1.8. Qassutit quliminni annoraaminermik 75 mm.-mik sinaakkuserneqarsimassapput, qimiaa allunaasaasoq imalt. Wireriusoq poorlugu. Sinaakkutaq qimiaani tunngassaaq.
- 1.9. Qimiaa allunaasaq imalt. Wireri sukallugu siaarneqassaaq qassutit napasuitigut.
- 1.10. Qassutit qulaatungaa portussuseqassaaq 1,524 m. unammiffiup qeqqaniit uuttorlugu, kiisalu 1,55 m. titarneri avallerni uuttorlugu.
- 1.11. Qassutit sinaanni napasunilu akunneqassanngilaq. Pisariaqarpat qassutit sinai tamarmik qilersorneqassapput.

## 2. Suloraq

- 2.1. Suloraq suliarineqarsimassaaq meqquinnit imalt meqqusaniit. Suloraq qanorluunniit suliarineqarsimatillugu, suloqqap ingerlaasia assigussaaq, soorlu suloqqat meqquinnik suliarineqarsimasut ingerlaasaat kiisalu simissamik amimineramik puukkamik naqqoqarluni.
- 2.2. Suloraq meequinnit sanaaq
  - 2.2.1. Suloraq 16-nik meqqortaqaassaaq, naqquanut aalajangiussanik
  - 2.2.2. Meqqut takissusii uuttorneqassapput nuuniit naqqup killinganut. Takissusaat 62 mm.-miit 70 mm.-mut nikerarsinnaapput
  - 2.2.3. Meqqut nuui nigalertut iluseqassapput diameteria 58 mm.-miit 68 mm.-mut annertutigaluni.
  - 2.2.4. Meqqut qajannaattumik aalajangerneqarsimassapput ujaloq imalt. alla naleqquttoq atortoralugu.
  - 2.2.5. Naqqua diametereqassaaq 25 mm.-miit 28 mm.-p tungaanut, illuanilu qaarajussalluni.
  - 2.2.6. Suloraq oqimaassuseqassaaq 4,74 gram-imiit 5,50 gram-mut tungaanut.
- 2.3. Suloraq allatut suliaq
  - 2.3.1. Timitaa, imalt. Meqqunik iluseq ilaarlugu sananeqaat, meqqunut taarsiusaassaaq
  - 2.3.2. Naqqua allaaserineqarpoq § 2.2.5 -mi
  - 2.3.3. Angissuseq oqimaassuserlu §§ 2.2.2., 2,2,3, aamma 2.2.6.-ni allaaserisanut assigussapput. Taamaattorli meqqusaniit suliat 10 %nik nikingasinnaaneri akuerisaapput.
- 2.4. Suloqqap namminermini ilusaa, sukkassusia ingerlaasialu allanngortinneqanngikkaluartut, piffinni silaannaap sunniutai atuutsillugit, soorlu qatsissuseq imalt. Silap allangorarnera, suloraq atorsinnaajunnaarpat sananeqataani aalajangersakkat allanngortinneqarsinnaapput nunami kattuffiup tamanna akuerippagu.

## 3. Suloqqanik uuttaaneriit

- 3.1. Suloqqamik uuttaanermi atsittumik patitseriaaseq atorneqassaaq, suloraq patinneqarluni unammiffiup titarnerata tunorliup eqqaaniit. Suloraq qummoortumik patinneqassaaq sinaani titarnerit malullugit.
- 3.2. Suloraq eqqortumik sukkassusilik tussaaq naannerpaamik 530 mm. takinerpaamik 990 mm. unammiffiup illuatungaani titarnermiit tunorlermiit. (Tak. Titartagaq A)

## 4. Ketsjeren (Patittaap)

- 4.1. Patittaapit tamakkiisumik takissusia 680 mm.-mit takinerussanngilaq kiisalu 230 mm.-mit sanimut silinnerussanani. Patittaapit immikkoortui §§ 4.1.1 – 4.1.5-ni aalajangersagaapput titartakkamilu C-mi takutinneqarlutik
  - 4.1.1. Tigummiarfia tassaavoq patittaapit ilaa tigummivik
  - 4.1.2. Noqartilersorfia tassaavoq patittaapit ilaa, tassauna unammisup suloraq eqqortartussaallugu naatsorsuussaq
  - 4.1.3. Niaqua tassaavoq noqartilersorfia
  - 4.1.4. Ipuata tigummivia niaqualu atanilerpai (§ 4.1.5)
  - 4.1.5. Qinguata (taamaattoqarpat) atanilerpaa ipua niaquanut
- 4.2. Noqartilersorfia:
  - 4.2.1. Patittaapit noqartilersorfia toqqissuussaaq, noqartillu perlaallugit nuineqassallutik, tulliani qulaatigut tulliani ataatigut nuisaallutik imalt. Qilerneqarsimassallutik noqartit paarlaffiini, kiisalu
  - 4.2.2. Noqartilersorfia takinerani 280 mm.-mit takinerussanani, silinnerpaaffianilu 220 mm.-mit silinnerussanani. Taamaattorli noqartilersorfianut qinngua ilaatinneqarsinnaavoq,
    - 4.2.2.1. annertunerunerata silissusia 35mm.-nit silinnerunngippat

- 4.2.2.2. annertunerunerata takissusia 330 mm.-mit takinerunnigppat
- 4.3. Patittaat
  - 4.3.1. Ikkussuiffigineqassanngilaq nivinngaavigineqarsimassananilu, taamaallaat tamakku nungullarnaveeqqutitut sajuttoornaveeqqutitut pinaveersaarutit imalt. Oqimaassusianut assigiissaarutaasut imalt. Unammisup assaanut pituttuineq, naapertuuttumik angissusillit, siunertaasutulu inissitat kiisalu
  - 4.3.2. Patittaatip ilusaanik allanguinissamut periarfissiinermut aaqqissuussaassanatik
- 5. Atortut akuerineqarneri
  - 5.1. Malitaqarneq
    - BWF-p apeqqutit sulluunniit aalajangiiffigissavai, patittaat, suloraq atortulluunniit ilaa nassaarlunniit badmintonermermi atortoq taakkununga aalajangersaakkanut naapertuunnersoq. Aalajangiinerit tamakku BWF-p nammineq qaqqissinnaavai imalt. Kimilluunniit unamminermik soqutiginnittup qaqqissinnaavai, allaat unammisup, teknikkikkut sulisup, atortunik sanasup, kattuffiup arlaata taakkulu ilaasortaasa.
  - 5.2. Innarluutillit badmintonerinerini atortut
    - Innarluutillit badmintonerinerini issiaviit assakaasullit ajaappissallu atorneqarsinnaapput*
      - 5.2.1. Unammisup uinia issiavimmut aalajangerneqassaaq tasisuaartumik qiteruserlugu
      - 5.2.2. Issiavik assakaasulik uppinnaveeqquserneqassaaq, tallineqarsinnaasumik assakaasua sanequllugu
      - 5.2.3. Unammisup isigai issiaviup assakaasullip tuckerfianut aalajangerneqassapput.
- 6. Makitsineq
  - 6.1. Unammineq aallartitsinnagu makitsisoqassaaq, makitsinermilu ajugaasoq qinersisinnalissaaq §
    - 6.1.1 imalt. §6.1.2 toqqassallugu
    - 6.1.1. Periaqqaassanerluni imalt. Tigusissanerluni
    - 6.1.2. Unammiffiup illuani imalt aappaani inississanerluni
  - 6.2. Makitsinermi ajorsartup inatsisini qinigassat sinneri toqqassavai
- 7. Kisitsineq
  - 7.1. Unammineq ingerlanneqassaaq immikkoortuni pingasuusuni pitsaaneqqusaalluni, allatut aalajangiisoqarsimannigppat (BWF Statutes, Section 4.1.3 aamma Statutes 4.1.4)
  - 7.2. Immikkoortoq ajugaaneqassaaq, unammisumit 21-nik pointinnaqqaartumit, §§ 7.4 aamma 7.5 nalaanneqarneri eqqaassanngikkaanni.
  - 7.3. Akioriinnermi ajugaasoq pointinnassaaq. Akioriinneq ajugaaneqassaaq akera "kukkuppat" imalt. Suloraq ingerlajunnaarpat akeraasup unammiffiani natermut tutsinneqarmat
  - 7.4. Unammisut tamarmik 20-nik pointinnappata, imikkoortoq ajugaaneqassaaq arlaannit pointinik marlunnik siuaqqaartumit.
  - 7.5. Tamarmik 29-nik pointinnappata immikkoortoq ujaaneqassaaq unammisumit 30 pointimut angummateqqaartumit.
  - 7.6. Immikkoortumik ajugaasoq immikkoortup tulliani periaqqaassaaq
- 8. Unammiffinnik paarlaanneq
  - 8.1. Unammisut paarlaatisapput:
    - 8.1.1. Immikkoortup siulliup naammassinerani
    - 8.1.2. Immikkoortut pingasuussappata, taassuma aallartinginnerani kiisalu
    - 8.1.3. Immikkoortut pingajuanni arlaat 11 pointnut killippat, innaarluutillit unammineri eqqaassanngikkaanni (BWF Staute Section 4.1.3)

- 8.2. Unammisut § 8.1-mi allaaserineqartutut paarlaatinngittoorsimappata, paarlaatissapput kukkuneq paasineqarpat suloqqallu uninnerani, angusaminnilu killiffitsik tigungmiinnassavaat
9. Periarneq
- 9.1. Eqqortumik periarnermi suloraq periartup patittaammik patinneqarnerani qummukaartumik ingerlassaaq qassutit qarsullugit unammisap inissisimaffianut nakkariassalluni (Titarnerit eqqorlugit imalt. Iluani), unitsinneqanngikkuni kiisalu
- 9.1.1. Illugiit arlaannaataluunnit pisariaqanngitsumik periarnissaq kinguarsassanngilaat, periartussaq tiguisussarlu periarnissamut piareeqqatillugit
- 9.1.2. Periartussap patittaatimi niaquata tunummut nikisinneraniit periarnerup aallartinnerani kinguarsaaneq sunaluunniit (§9.2) pisariaqanngitsumik kinguarsaanertut isigineqassaaq
- 9.1.3. Periartoq tiguisussarlu tukimut akileriillutik inissisimassapput (Titartagaq A), titarnerit periarfennut killersuutaasut attornagit
- 9.1.3.1. *Innarluutillit badmintonerneranni, kiisalu issiavissortut nikorfaannartullu unamminerini titartagaq D imalt. F malinneqassaaq*
- 9.1.4. Periartup tiguisussallu isigaat tamarmik uninngallutik unammiffup naqqani inissisimassaput, periarnerup aallartinneranit (§ 9.2) naammassineranut (§9.3)
- 9.1.4.1. *Issiavissorluni badmintonernermi: Periarnerup aallartinneranit naammassineranut unammisut issiaviisa assakaasui uninngassapput periartup periarnermini assakaasuminik nikittoornera eqqaassanngikkaanni.*
- 9.1.5. Periartup patittaataata suloqqap naqqua eqqoqqassavaa
- 9.1.6. Periartup patittaataata suloraq eqqorpagu, suloraq tamarmi unammiffiup naqqanit 1,15 m. - mit atsinnerussaaq
- 9.1.6.1. *Issiavissorluni badmintonernermi suloraq periartup uniiniit atsinnerussaaq patittaammik eqqorneqarnermini*
10. Ataasiakkarneq
- 10.1. Periarfik, tiguisiffik
- 10.1.1. Unammisut periarlutillu tiguisissapput unammiffiup talerperliani immikkoortumi pointii 0 imalt. Akunnaattuppata
- 10.1.2. Unammisut periarlutillu tiguisissapput unammiffiup saamerliani immikkoortumi pointii akunnattuuppata
- 10.1.3. Innarluutillit badmintonernerini, unammiffiup affaani inissiismasut, periartut tiguisullu periassapput tiguisillutillu iniminni
- 10.2. Unamineq unammiffillu
- Suloraq ingerlaatillugu periartup tiguisullu paarlakaallutik eqqortassavaat sumiluunniit unammiffiminni, qassutinit akunneqartumi, suloqqap uninnissaata tungaanut (§15)
- 10.3. Point periarnerlu
- 10.3.1. Periartup akioriinneq ajugaappagu (§7.3) periartoq pointinnassaaq. Periartoq aammaarluni periassaaq, tamatumuuna periarfiup illuatungaaniit
- 10.3.2. Tiguisup akioriinneq ajugaappagu (§7.3) tiguisoq pointinnassaaq. Tiguisoq maanna periartussanngussaaq
11. Iligiikkaarneq
- 11.1. Periarfik, tiguisiffik
- 11.1.1. Unammisoq periartussaq unammiffiup aggornerata talerperlianit periassaaq, periartussat immikkoortumi tassani nul-mik imalt. akunnaattunik pointe-qarpata.
- 11.1.2. Unammisoq periartussaq unammiffiup aggornerata saamiatungaaniit periassaaq, periartussat immikkoortumi tassani akunnattunik pointe-qarpata.

- 11.1.3. Tigusisuni unammisoq kingullermik periartooq, kingullermik periarfimmini inissisimassaaq
- 11.1.4. Tigusisuni unammisoq, periartussap tukimut akianiittoq tigusisuussaaq
- 11.1.5. Unammisut aatsaat periarfinni nikittassapput periareerlutik pointinnakkaangamik
- 11.1.6. Periarneq tamatigut pisassaaq periarfimmiit pointit malillugit, § 12-mi aalajangersakkat eqqaassanngikkaanni
- 11.2. Unamineq og unammiffillu

Akioriinnermi periartut unammisui suloqqamik patittaasinnaapput unammiffimmini sumiluunniit, soorlu tigusisut unammisui suloqqamik patitsisinnaasut unammiffimmini sumiluunniit, suloqqap ingerlaarunnaarnissaata tungaanut (§15)

- 11.3. Pointit periarnerlu
  - 11.3.1. Periartut akioriinneq ajugaappassuk (§7.3) pointinnassapput. Periartooq periaqqissaaq, tamatumuuna periarfiup illuatungaaniit
  - 11.3.2. Tigusisup akioriinneq ajugaappassuk (§7.3) pointinnassapput. Taava tigusisoq periartussanngussaaq
- 11.4. Periarussat tullerriaarneri
  - Immikkoortuni tamani periartussaataaneq imaassaaq:
    - 11.4.1. Periartooq siulleq periarfimmiit talerpillermiit immikkoortumik aallarniisooq
    - 11.4.2. Tiguseqqartup ilianut. Periarneq periarfiup saamerlianiit pissaaq
    - 11.4.3. Periaqqaartup ilianut
    - 11.4.4. Tiguseqqaartumut
    - 11.4.5. Periaqqaartumut, taamatullu ingerlassalluni
- 11.5. Unammisoq kinaluunniit periartusnaanani periassanngilaq, tigusisusnaanani tigusissanngilaq imalt. Periarnerit tullerriit tigussanngilaat immikkoortumi ataatsimi, § 12-mi eqqartorneqartut eqqaassanngikkaanni imalt. Pissusilunneq peqqutigalugu "kukkunermik" aalajangiisoqarsimappat.
- 11.6. Unammisut ajugaasusut nammineq aalajangissavaat, immikkoortup tulliani arlaat periassanersoq, kiisalu unammisut ajorssartuusut nammineq aalajangissavaat arlaat tigusisuussanersoq
- 12. Periarfimmi kukkuneq
  - 12.1. Perarfimmi kukkuneq pissaaq, unammisoq:
    - 12.1.1. Pisusnaanani periarpat imalt. Tigusippat imalt.
    - 12.1.2. periarsimappat imalt. Tigusisimappat kukkusumik inissilluni
  - 12.2. Periarfimmi kukkuneq paasineqarpat, kukkuneq iluarsineqassaaq suloraq unippat pointitigulli killiffik atatinneqaannassaaq.
- 13. Kukkuneq
  - Kukkuneq pissaaq
  - 13.1. Periarneq eqqortumik ingerlanneqarsimanngippat (§9.1)
  - 13.2. suloraq periarnermi:
    - 13.2.1. qassutit eqqorpagit qaavanilu uninngaannarpat
    - 13.2.2. qassutit qulaappagit, kingornalu uninngaannarpat imalt.
    - 13.2.3. tigusisussap ilianit eqqorneqarpat
  - 13.3. Suloraq, ingerlatilluni:
    - 13.3.1. unammiffiup titarnerisa avataanut tuppat (Imaangitsoq titarnernut imalt titarnerit iluatungaannut)

- 13.3.2. qassutit qulaatinngippagit
- 13.3.3. Illup qilaava igaaluunniit eqqorpagu
- 13.3.4. unammisoq imalt. Atisai eqqorpagu
  - 13.3.4.1. *Innarluutillit badmintonerneranni issiaviit assakaasullit ajaappissallu unammisup timaanut ilaatinneqarput*
- 13.3.5. unammiffiup avataanni sunaluunniit inulluunniit eqqorpagu (Illup pissusaata pisariaqartippagu, piffimmi badmintonimi oqartussaasut, nuna tamakkerlugu kattufiup akuersineratigut, immikkut aalajangersaasinnaapput pissutsini tamani suloqqap arlaannut attuuffgisinnaasai pillugit)
- 13.3.6. patitsiniarnermi patittaammit qaluneqarpat, tassaniiginnarlunilu erfangiunneqarpat
- 13.3.7. unammisumit malitsiinnarlugu marloriarluni patinneqarpat. Suloraq patittaatiq sinaanik noqartiinillu eqqorneqarpat "kukkuneq"-runngilaq
- 13.3.8. unammisumit eqqorneqariarluni iliganit eqorneqarpat, imalt.
- 13.3.9. Unammisup patittaataa eqqorpagu, akeraasullu unammiffianut ingerlanani
- 13.3.10. Issiavinnik assakaasulinnik atorluni badmintonernermi, suloraq:
  - 13.3.10.1. Qassutinut tuppat, taakkulu qaavanni naatisimaannarpat, imalt.
  - 13.3.10.2. Qassutit qarsutereerlugit naatilluni nivingaannarpat
- 13.4. Unamminerup ingerlanerani, unammisup:
  - 13.4.1. Qaasutit taakkuluunniit napasui patittaamminik, timiminik imalt. atisaminik attorpagit.
  - 13.4.2. patittaat imalt. Timimi ilaa qassutit qulaallugit qulangiuttippagit unammisami inaanut, taamaattorli ajornangilaq nammineq unammiffimmini suloraq patereerlugu patittaat unammisami inaanut kajusitinneqarpat
  - 13.4.3. patittaat imalt. Timimi ilaa qassutit ataatigut unammisami unammiffianut pisippagu, unammisani akornguserlugu
  - 13.4.4. unammisani akuerisaasumik suloraq qassutit qulaallugit patittaammik malillugu patitsiniartoq akorngusersorpagu
  - 13.4.5. piaaraluni unammisani akorngusersorpagu, soorlu nillialluni imalt. Allatut pissusilersorluni
  - 13.4.6. Issiavinnik assakaasulinni badmintonernermi
    - 13.4.6.1. suloqqap patinnerani unammisup timaata arlaannaataluunniit issiavittaa attuumangippassuk
    - 13.4.6.2. Isikkat toqqaviani isikkat aalajangerneqarsimaneri kaanngarsimappata
    - 13.4.6.3. suloqqap ingerlanernai, unammisup isikkaminik nateq qanorluunniit attorpagu
- 13.5. unammisoq pisuuguni sakkortuumik, uteqqiattumik imalt ingerlaavartumik pissusilunnermik, § 16 naapertorlugu
- 14. Periarnerup uteqqinera ("LET" – "Aattaat")
  - 14.1. "Aattaat" dommerip aalajangiutissavaa malt. Unammisup (Unammineq dommereqanngippat), unamineq unitsinniarlugu
  - 14.2. "Aattaat" periqqittoqassaaq, ima pisoqarpat
    - 14.2.1. Tigusisussaq piariinngitsoq periartussaq periarpat
    - 14.2.2. Periarnermi periartoq tiguisorlu ataatsikkut kukkunerarneqarpata
    - 14.2.3. Periarnerup utertinneqarnerani, suloraq:
      - 14.2.3.1. qassutinut attuuppat taakkulu qulaatungaani nivingaannarpat
      - 14.2.3.1.1. Issiavinni assakaasulinni badmintonernermi tamanna "kukkuneq"-ruvoq.

- 14.2.3.2. qassutit qulaatereerlugit, illuatungaani nivingaannarpat
- 14.2.3.2.1. Issiavinni assakaasulinni badmintonermermi tamanna "kukkuneq"-ruvoq.
- 14.2.4. Suloraq, ingerlaarnermini isappat naqqalu timitaaniit kaangarpat
- 14.2.5. Dommerip naliliinerani unammineq akornguserneqarpat, imalt. Unammisoq akeraasup sungiusaasuanit akorngusersorneqarpat
- 14.2.6. Titarnermi dommerip isigisinnaasaa assersorneqarpat, dommeri imalt IRS (Instant Review System) aalajangiisinnaajunnaartillugit imalt.
- 14.2.7. Takorluugaanngitsumik imalt, nalaatsornermit aallaaveqartumik unammineq pitsaaliorneqarpat
- 14.3. "Aatsaat" pitillugu, periarnermi kingullermiit unammineq atuutsinneerutissaaq, kingullermillu periartoq periaqqissaaq
- 15. Suloraq ingerlajunnaarpoq  
Suloraq ingerlajunnaartutut isigineqassaaq:
  - 15.1. periartup inaani qassutinut napasuinulluunniit attuuppat, natermullu nakkariartulerluni periartup tungaani
  - 15.2. unammiffiup qaava eqqorpagu, imalt.
  - 15.3. "Kukkuvoq" imalt. "Aatsaat" pisimappata
- 16. Unamminerup ingerlatinnera, pissusilunneq pillarneqarnerlu
  - 16.1. Unammineq periaqqaarnermiit naammassinerata tungaanut ingerlaavartumik pissaaq, inatsisini §§ 16.2 aamma 16.3-ni pisut eqqaassanngikkaanni *issiavinnilu assakaasulinni unamminerimi §16.5.3*
  - 16.2. Unikkallarneq:
    - 16.2.1. Immikkoortuni tamani pointit 11-anni 60 sekundinit sivisunerunngitsoq, innarluutillit unamneri eqqaassanngikkaanni (BWF Statutes, Section 4.1.3), kiisalu
    - 16.2.2. Immikkoortup siulliup tulliatu kiisalu immikkoortup aappaata pingajuatalu akorngini 120 sekundinit sivisunerunngitsoq

(Unamnerni TV-kkut aallakaatinneqartuni unammineq aallartitsinnagu Referee-p aalajangersinnaavaa, unikkallarnerit § 16.2-mi pineqartut malinneqassasut aalajangersimasumillu sivisussuseqassasut)
  - 16.3. Unamminerup kipitinneqarnera
    - 16.3.1. Pissutsit unammisut sunnersinnaanngisaasa pisariaqartilerpassut, dommerip unamineq kipitiinnarsinnaavaa, piffissamik pisariaqartitaminik sivisussusilerlugu
    - 16.3.2. Immikkut ittunik pisoqartillugu Referee-p dommeri peqqusinnaavaa unammineq kipiteqqullugu
    - 16.3.3. Unammineq kipitinneqarpat, pointit anguneqarsimasut attatiinnarneqassapput, taakkunangaanniillu unammineq nangingneqassalluni
  - 16.4. Unamminerup kinguarsarneqarnera
    - 16.4.1. Qanorluunniit unammineq kinguarsarneqassanngilluinnarpoq unammisoq qasuersaartinniarlugu, anernigissartinniarlugu imalt. siunnersorniarlugu
    - 16.4.2. Dommerip kisimi aalajangiussinnaava unammineq kinguarsarneqarnersoq
  - 16.5. Siunnersorneqarneq unammiffiullu qimanneqarsinnaanera
    - 16.5.1. Taamaallaat suloraq uninngatillugu (§15), unammisullu periarfissaminut tigusiffissaminnullu inissinnissami tungaannut, unammisoq unamnermi siunnersorneqarsinnaatitaavoq

(Danmarkimi aalajangiunneqarnikuvoq inuusuttuaqqat U9, U11, U13 aamma U15-ni unammisut unamminerini sungiusarneqarsinnaassasut/siunnersorneqarsinnaassasut, ilassummi “Inuusuttut sungiusarnerini mlittarisassat”-ni aalajangersakkat naapertorlugit.)

(Se “Appendix” .....

- 16.5.2. §16.2-mi unikkallernerit eqqartorneqartut eqqaassanngikkaanni, unammisut unammiffik qimassinnaanngilaat - taamaaliornikkullu unamineq kinguarsarlugu – dommerimit akuerineqaaqqaartinnatik
- 16.5.3. Issiavinni assakaasulinni badmintonernemi akuerineqassaaq unikkallernerit ataatsimik ilaneqassappata, unammisup unammiffik qimattariaqarpagu quisarfini taarserniarlugu. Unammisoq BWF-imit akuerisaasumit kimilluunniit ingiaqatigineqassaaq.
- 16.6. Unammisoq
  - 16.6.1. Piaaraluni kinguarsaassanngilaq imalt. unimminermik unitsitsiniarluni
  - 16.6.2. Piaaraluni suloqqamik allannguissanngilaq ajoqusiilluniluunniit, sukkassusia ingerlaasialuunniit allanngortinniarlugu
  - 16.6.3. Qaasuttumik imalt. naleqqutinngitsumik pissuseqassanngilaq imalt.
  - 16.6.4. Allatigulluunniit pissusilunermik siuliani allaaserineqareersimannngitsumik aallaavilimmut pisuuguni
- 16.7. Aalajangersakkat unioqqutinneqarneri
  - 16.7.1. Dommeri iliuuseqassaaq §§ 16.2, 16.4.1, 16.5.2 aamma 16.6 sukkulluunniit unioqqutinneqarpata
    - 16.7.1.1. Uniooqutitsisimasooq siorasaarummik tunillugu imalt.
    - 16.7.1.2. “Kukkuvoq” nalunaarutigalugu unioqqutitsisunut, siusinnerusukkut taakku siorasaarummik tunineqareersimappata imalt
    - 16.7.1.3. “Kukkuvoq” nalunaarutigalugu, unioqqutitsisunut inatsisit qulaani pineqartut annertuumik unioqqutippatikkitt
  - 16.7.2. §§ 16.7.1.2 imalt. 16.7.1.3 malillugit “kukkuvoq” nalunaarutigineqarsimappat, dommerip tamanna ingerlaannaq nalunaarutigissavaa Referee-mut, taassuma unioqqutitsisooq anisissinaammagu.
- 17. Sulisutut toqqakkat naammagittaalliornissamullu periarfissat
  - 17.1. Referee unamminerimi ajugaanniunermiluunniit unammiffiusumi oqartussaasuvoq annerpaaq
  - 17.2. Dommeri toqqarneqarsimappat, taanna unamminerimi tassani, unammiffimmi taassumalu eqqaani oqartusaasuvoq. Dommerip Referee naalagaraa
  - 17.3. Periarnermi dommerip nakkutigissavai periartup kukkuneru (§§ 9.1.2-mit 9.1.8-mut)
  - 17.4. Titarnerni dommerip nakkutigissavai suloraq isernersoq imalt. aninersooq, titarnerni nakkutigissamisut innersuussaasuni
  - 17.5. Sulisutut toqqagaq pisuni tamani akisusaafigisamini inaarutaasumik aalajangiisussaataavoq, makku eqqaassanngikkaanni:
    - 17.5.1. dommerii nalorninaatsumik naliliippat titarnerni dommeri kukkusumik aalajangiisooq, tassanilu titarnerni dommerip aalajangiinera allanngortittussaallugu
    - 17.5.2. Instant Review System (IRS) atorineqarpata, taakkumi tunngavigalugit aalajangiisooqassamat titarnerni dommerip aalajangiinerni apeqquserneqarpata (BWF Statutes, Section 4.1.8)
  - 17.6. Dommeri pisussaavoq:



- 17.6.1. Unamminermi malittarisassat malinneqarnissaat nakkutigissallugit minnerunngitsumillu nalunaartassalluni kukkusoqarpat imalt. Aallaqqaataaneertoqassappat, taamatut pisoqarsimappat.
- 17.6.2. isumaqatigiinnginneq takkuppaa aalajangiissalluni, tamana saqqummiunneqarpat periarnerep tulliup pinnginnerani
- 17.6.3. isumannaassallugu unammisut isiginnaartullu unammineq pillugu malinnaatinneqarnissaat
- 17.6.4. Titarnerni periarnernilu dommerit toqqassallugit imalt. Referee isumasioqatigereerlugu pertissallugit
- 17.6.5. suliassani pineqartuni sulisussat toqqarneqarsimanngippata, taakku suliassaralut suliarsallugit
- 17.6.6. sulisutut toqqakkap takunnissinnaanera asseqqappat, taassuma suliassaa suliarsallugu imalt "Aatsaat" nalunaarutigalugu
- 17.6.7. pisut tamaasa nalunaarsussallugit § 16-mi pineqartut Referee-mullu nalunaarutigalugit kiisalu
- 17.6.8. ingerlateqqiissutit naammassineqanngitsut tamaasa Referee-mut ingerlatissallugit, taamaallaalli unamminermi malittarisassat qanoq paasineqarnisaannut tunngasut. (Ingerlatitseqqiissutit taamaattut nalunaarutigineqassapput periarnissap tulliuttup pinnginnerani imalt. unamminerep naammassinerani unammisut unammiffimmit qimagutinnginnerini).